

**KANTON SARAJEVO  
MINISTARSTVO KULTURE I SPORTA  
JAVNA USTANOVA SARAJEVSKA FILHARMONIJA  
UPRAVNI ODBOR**

**PRAVILNIK  
O NAKNADI RADNIKA JU SARAJEVSKA FILHARMONIJA ZA AUTORSKI  
RAD IZVAN OPISA POSLOVA RADNOG MJESTA, KAO I IZVOĐAČKE  
POSLOVE IZVAN OPISA POSLOVA RADNOG MJESTA**

**Sarajevo, mart 2023. godine**

Na osnovu člana 27. stav 1. alineja 6. Zakona o ustanovama („Službene novine Kantona Sarajevo“, br. 6/92, 8/93 i 13/94), člana 40. stav (1) tačka f) Pravila Javne ustanove, Upravni odbor Javne ustanove na sjednici održanoj 07.03.2023. godine, donio je

**PRAVILNIK  
O NAKNADI RADNIKA JU SARAJEVSKA FILHARMONIJA ZA AUTORSKI  
RAD IZVAN OPISA POSLOVA RADNOG MJESTA, KAO I IZVOĐAČKE  
POSLOVE IZVAN OPISA POSLOVA RADNOG MJESTA**

**Član 1.  
(Predmet)**

Ovim Pravilnikom regulišu se međusobni odnosi između JU Sarajevska filharmonija i radnika umjetnika u JU Sarajevska filharmonija, u izuzetnim slučajevima nedostatka potrebnih kadrova, kada se radnik umjetnik angažuje za poslove kojim se stvaraju autorska djela ili se angažuje kao umjetnik izvođač na poslovima koji nisu predviđeni opisom poslova i radnih zadataka radnog mjesta na koje je radnik umjetnik raspoređen ugovorom o radu sa JU Sarajevska filharmonija.

**Član 2.  
(Obavljanje poslova)**

U izuzetnim slučajevima regulisanim ovim Pravilnikom Javna ustanova Sarajevska filharmonija povjerava obavljanje poslova istaknutim i eminentnim umjetnicima koji su u radnom odnosu sa JU Sarajevska filharmonija, a koji pored svojih redovnih poslova budu angažovani kao autori ili umjetnici izvođači.

**Član 3.  
(Zaštita poslova radnog mjesta na koje je radnik umjetnik raspoređen)**

Poslove za koje je angažovan od strane JU Sarajevska filharmonija umjetnik će obavljati na način koji neće štetiti obavljanju poslova i radnih zadataka na redovnom radnom mjestu.

**Član 4.  
(Autorski poslovi)**

(1) Za angažman radnika umjetnika JU Sarajevska filharmonija kao autora za poslove koji nisu u opisu poslova njihovog radnog mjesta isplatit će se putem autorskog ugovora autorska naknada kako slijedi:

- a. Za izradu novog aranžmana postojećeg djela isplatit će se autorska naknada u iznosu od 5% do 20% neto plate radnog mjesta na koje je radnik umjetnik raspoređen ugovorom o radu, u zavisnosti od kompleksnosti povjerenog djela.

**Član 5.  
(Izvođački poslovi)**

(1) Za angažman radnika umjetnika JU Sarajevska filharmonija kao izvođača koji obavlja poslove koji nisu u okviru opisa poslova njegovog radnog mjesta isplatit će se putem izvođačkog ugovora izvođačka naknada kako slijedi:

- a. Za obavljanje izvođačkih poslova koncertnog majstora u iznosu od 5% do 20% neto plaće radnog mjesta koncertni majstor mjesečno, u zavisnosti od broja programskih projekata na kojem je angažovan i složenosti povjerenih poslova
- b. Za obavljanje izvođačkih poslova soliste orkestra i zamjenika koncertnog majstora u iznosu od 5% do 20% neto plaće predviđene za to radno mjesto u zavisnosti od broja programskih projekata na kojem je angažovan i složenosti povjerenih poslova

#### **Član 6.**

##### **(Utvrdjivanje visine iznosa autorske i izvođačke naknade)**

- (1) Visinu iznosa autorske ili izvođačke naknade utvrđuje direktor JU Sarajevska filharmonija za svaki konkretan slučaj, u skladu sa odredbama ovog Pravilnika, zaključujući autorski ili izvođački ugovor sa umjetnikom.
- (2) Radniku umjetniku JU Sarajevska filharmonija se ne može isplatiti iznos autorske ili izvođačke naknade, u skladu sa odredbama ovog Pravilnika, veći od 20% plaće koju ostvaruje za redovan rad u jednom mjesecu.

#### **Član 7.**

##### **(Izmjene I dopune Pravilnika)**

Izmjene I dopune ovog Pravilnika vrše se na način I po postupku njegovog donošenja.

#### **Član 8.**

##### **(Stupanje na snagu)**

- (1) Pravilnik o izmjenama i dopunama Pravilnika o naknadi radnika umjetnika JU Sarajevska filharmonija za autorski rad izvan opisa poslova svog radnog mjesta, kao i izvođačke poslove izvan poslove radnog mjesta stupa na snagu danom dobijanja mišljenja Ministarstva kulture i sporta Kantona Sarajevo.
- (2) Pravilnik će se objaviti na oglasnoj ploči, web stranici JU Sarajevska filharmonija i „Službenim novinama Kantona Sarajevo“.


#### **Član 9.**

##### **(Prestanak važenja)**

Stupanjem na snagu ovog Pravilnika prestaje da važi Pravilnik o naknadi uposlenika JU Sarajevska filharmonija za autorski rad izvan opisa poslova svog radnog mjesta, kao i izvođačke poslove izvan radnog mjesta broj: 05/04/UO/27 od 02.04.2007. godine.

**Broj: 100/03/UO/23  
Sarajevo, 07.03.2023.**

**PREDSJEDNIK  
UPRAVNOG ODBORA  
Ališer Siiarić**





Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Culture and Sports

**Broj:** 12-02-1905-4/23  
**Sarajevo,** 10.03.2023. godine

SARAJEVSKA FILHARMONIJA  
SARAJEVO  
Broj: 0743/03/10/23  
Datum: 15.03.23 god.

U skladu sa odredbama člana 42. Zakona o ustanovama („Službeni list RBiH“, br. 6/92, 8/93 i 13/94), a na zahtjev Javne ustanove „Sarajevska filharmonija“ (broj:6724/03-O/23 od 07.03.2023. godine), Ministarstvo kulture i sporta Kantona Sarajevo razmatralo je Pravilnik o izmjenama i dopunama Pravilnika o naknadi zaposlenika Javne ustanove „Sarajevska filharmonija“ za autorski rad izvan opisa poslova svog radnog mjesta, kao i za izvođačke poslove izvan radnog mjesta (broj: 100/03/UO/23 od 07.03.2023 godine) i daje slijedeće:

### MIŠLJENJE

Ministarstvo kulture i sporta Kantona Sarajevo daje pozitivno mišljenje na Pravilnik o izmjenama i dopunama Pravilnika o naknadi zaposlenika Javne ustanove „Sarajevska filharmonija“ za autorski rad izvan opisa poslova svog radnog mjesta, kao i za izvođačke poslove izvan radnog mjesta (broj: 100/03/UO/23 od 07.03.2023 godine).

S poštovanjem,

Pripremila: Ek  
Kontrolisao: D

Dostaviti:

1. Javna ustanova
2. a/a

ul. Obala Kulina bana br.9.

MINISTAR

